



NOTA RUJUKAN KOMSAS

Puisi Tradisional (Gurindam 12 Fasal yang Keenam)

Maksud

Rangkap 1

Saranan supaya memilih teman yang dapat membantu ketika susah dan senang.

Rangkap 2

Saranan agar berguru dengan seseorang yang benar-benar berilmu dan dapat menyelesaikan setiap kemusykilan.

Rangkap 3

Saranan supaya memilih isteri yang patuh dan setia kepada suami.

Rangkap 4

Saranan agar mencari teman yang memiliki semangat setiakawan

Tema

Nasihat bagi memilih orang yang ingin kita dampingi.

Persoalan

1. Persoalan kepentingan memilih sahabat yang boleh membahagiakan.
2. Persoalan kebijaksanaan dalam memilih guru .
3. Persoalan kepentingan mempunyai isteri yang setia



NOTA RUJUKAN KOMSAS

Bentuk

1. Terdiri daripada empat rangkap.
2. Setiap rangkap terdiri daripada dua baris.
3. Jumlah perkataan dalam setiap baris antara empat hingga lima.
 - Cahari olehmu akan sahabat (4 perkataan)
 - Yang boleh tahukan tiap seteru (5 perkataan)
4. Terdiri daripada sembilan hingga sebelas suku kata.
 - Yang boleh dijadikan ubat (9 suku kata)
 - Cahari olehmu akan isteri (11 suku kata)
5. Rima akhir syair ini ialah aa
6. Bentuk gurindam ini terikat dengan puisi tradisional.

Gaya Bahasa

1. **Asonansi** - Cahari olehmu akan sahabat – pengulangan vokal a
2. **Aliterasi** - Yang boleh menyerahkan diri - pengulangan konsonan n
3. **Sinkope** - Cahari olehmu akan sahabat (rangkap 1 baris 1)
4. **Penggunaan kata klasik** : cahari
5. **Penggunaan bahasa kiasan** - Yang boleh menyerahkan diri (mahu menurut kata suami)

Nilai

1. **Nilai kebijaksanaan.**
Kebijaksanaan seseorang memilih sahabat, guru dan isteri akan memberi manfaat kepadanya.
2. **Nilai ketaatan.**
Seorang isteri perlu taat dan setia kepada suami.
3. **Nilai keikhlasan**
Seseorang sahabat perlu ikhlas dalam menjalinkan perhubungan.



NOTA RUJUKAN KOMSAS

Pengajaran

1. Kita haruslah mencari sahabat yang dapat memahami dan bersama-sama ketika susah dan senang.
2. Kita mestilah berguru dengan orang yang benar-benar bijaksana agar dapat membimbing kita.
3. Seseorang suami haruslah bijak memilih isteri yang setia agar perhubungan mereka berkekalan.

Latihan

1. Pada pendapat anda, mengapakah kita perlu memilih sahabat yang baik?
2. Berikan dua nilai yang terdapat dalam Gurindam 12 Fasal yang Keenam

Jawapan

1. Pada pendapat saya, kita perlu memilih sahabat yang baik kerana sahabat dapat membantu kita ketika menghadapi kesusahan dan menjadi penghibur ketika kesunyian.
2. Nilai yang terdapat dalam Gurindam 12 Fasal yang Keenam ialah nilai kebijaksanaan. Contohnya, semasa memilih sahabat, guru dan isteri, seseorang itu hendaklah menggunakan akalanya yang bijaksana agar mendapat calon yang sesuai. Selain itu, menerusi puisi ini juga terdapat nilai keikhlasan. Contohnya, seseorang itu perlulah ikhlas terhadap sahabatnya agar perhubungan mereka berkekalan.